

sal Jorgen son habin 15 mr gr in Rostels verlassen gutern, vnd were is danne sache, daz Jorgen son sturbe vor deme Rostel, so sollin die 15 mr gr glichwol noch Rostels tode gefallin an Jorgen Lobdaw, vnd sust sal Jorgen son fort mehir keyne gerechtikeit in Rostils guterin habin, vnd die 15 mr gr sollin noch Rostels tode in jar vnd tage bezalit werdin, so ferre daz keyn kunstlicher schade Rostil obirginge, so mag daz Rostil widersprechin idermans recht ane schaden. Auch hat Jorge Lobdaw gelobt, seynen son in gerichte zu brengin, wenne er inheymisch wirt seyn, der sal denne alle syner gerechtikeit sich auch verzeihin, die er meynet zu Rostels, syns eldern vater, vnd synen gutern zu habin. Do bie seyn gewest die gestrengen vnd ersamen Hannuß Porschicz, Joachim Bolbericz, Gregor Phol vnd Hannuß vom Lehin. (7. Sept. 1452) (gelöscht)

11b

Anlangende die Bezcalunge des fvrwergs zu Streßewicz, das Bartusch Schulta gekowfft hat.

Frantze Frankental der kannengißer vnd Vrsula, Mathis Hoppen des molers eliche hawßfrawe, habin bekant, das Bartusch Schulta von Awericzen das furwerg zu Streßewicz gancz vnd gar wol zu dancze bezalit hat vnd habin en seine erben vnd erb-nemen solicher bezcalunge gancz qweid, ledig vnd loß gesagt. Testes Joh(annes) Hefft judex, scabini Procopius Schinke, Joh(annes) Newman. Actum anno 1481, feria quinta post Dominicam Invocavit.

(Der Rest der Seite ist unbeschrieben.)

(Blatt 12a ist auch nicht beschrieben.)

(Zwischen Bl. 11b und 12a sind 4 Blätter, wahrscheinlich unbeschrieben, herausgeschnitten worden.)

G

12b

Gregorius Schuffeler had vorsatzt sien haus, guter varinde vnfarinde, zcu der Thumkirchen Senthe Petirs vnd Pauels 6 schillinge czins vmbe 15 mr vorkaufft had, sulcher czins uff Walpurgis halp gefallen sal, uff Michaelis halp, alzo gewonlich ist. Sulcher czins sal zcu geluchte der egenanten kirchen. Testes judex Gregorius Schuffeler, scabini Mathias Geilnaw, Jenschin vom Spon, Niclos Auskewicz, Petir Thannwalt. Anno 1425, Vigilia Nicolai. (5. Dez.) (gelöscht)

Gregor Feistkese vnd Nigkel Czymmirman, die habin sich geeynit alzo: wenn Niclos weip gestirbet, waz sy von iris